

A Vilecjaze di Listize si continue a disvilupâ il resonament su la 'resistence', inviât za di doi agns. Ancje il 'No' dal program 2014 di 'In File', la rassegne invernâl realizade te vecje stale dai Colonos e sostignude dal assessorât regionâl ae Culture, Amga, Distilarie Domenis e Bancje di Cividât, si insuaze su chest teme.

"Savê dî di No" a spieghin **Federico Rossi** e **Angelo Floramo** "al da la misure de cussience critiche di une societât, sedi te sô dimension individuâl sedi in chê coletive".

ATEJAMENT ETIC

"La resistance" a continuin il president e il consulent scientific dai Colonos "prime di jessi une atitudin di caratar politic e sociâl, e je un ategjament etic che e coinvolç dute la persone, in profonditât. Il resisti, che al à caracterizât diviers moments storicis dramatics tant che par esempi il nazifassism scombatût dal moviment partesan, al à di jessi une vocazion umane gjenerâl, di ducj i oms e di dutis lis feminis, par une tension ae libertât e ae dignitât di dute la umanitât in ogni epoche".

Si scomence vinars ai 24 di Zenâr aes 8 e mieze di sere cul dopli apontament 'Il presit dal no': 'il dram di **Stella Szörényi**' e 'il complot furlan cuintri Mussolini'.

DI SAN DENËL A AUSCHWITZ

La prime e je la storie di une famee di Ebreus di San Denël deportâts a Auschwitz. E vignarà fate viodi ancje une video-interviste a Arianna, classe 1933, la plui



In File par

'Savê dî di No'



Federico Rossi

Li dai Colonos si continue a disvilupâ il resonament su la resistance inviât za tes ultimes dôs edizions.

» DI **CHRISTIAN ROMANINI**

piçule de famee, soreviveude al orôr. Dopo al intervignarà **Dino Barattin** che al contarà dal episodi dai 4 di Novembar dal 1925 cuant che il deputât socialist **Tito Zaniboni**, elet tal colegjo di Udin-Belun, al tentà di copâ Benito Mussolini.

OSPIT INTERNAZIONÂL

In File si sierarà in Avrîl cun tun ospit internazionâl, il zovin artist e performer turc **Erdem Gündüz**, 'The standing man' par vie de proteste che al à fat cuintri dal guvier turc Erdogan,

ai 18 di Jugn 2013. Ai Colonos Gündüz al fassarà une performance coletive, che e sarà documentade cun tescj e documents fotografics intun cuader de serie Insumiàn-Cantîr viert di Arts contemporaniis.

La partecipazion ai incuintris In File e je vierte ai socis: cui che al ves voie di tessarâsi al paie 20 euros e al à dirit di partecipâ a gratis a dutis lis manifestazions e ai spetacui organizâts vie pal an.

Dut il program al è publicât sul sît www.colonos.it.



ilfriuli@ilfriuli.it

■ A SCLUSE

Lis usancis leadis ai trê Res

Zenâr al è il mês de Pi-zfanie e a cheste fieste a son leadis une vore di tradizions, comprindude chê dai Trê Rês dal Orient che a rivin a venerâ il Bambin Jesù.

A Scluse, Sabide ai 18 di Zenâr, aes 5 dopomisdî te sale dal Consei comunâl, la Pro loco e presente un libri sul patrimoni di usancis populârs leadis a chestis figuris. Il titul dal libri, sostignût di une vore di ents publics e privâts, al è "Steitz atents, steit a sinti" e al è curât di **Fabrizio Fuccaro**, za vicesindic dal Comun.

Come che nus anticipa il presidente de Pro loco di Scluse **Simona E. De Spirito** "Chest libri al nas par tignî vive la tradizion dal nestri paîs dulà che di passe 50 agns in ca e je la usance che i Trê Rês a puartin, cjançant, la buine gnove de nassite dal Signôr. Dentre dal libri si podarà cjatâ il test de cjançon e aprofondiments su chescj impuartants personaçs".

SCOLTADIS DI DRIUS

Schermi piçul

Le me femine e cognòs dôs manieris par comedâ les robis: a so mût e come che ûl je.




■ GNOVIS FORMIS EDITORIÂLS

ilfriuli.it

L'eBook par furlan al à ancjemò pôcs titui

RICERCJE PUARE. O vin cirût su Internet 'ebook par furlan' e no vin cjatade bondance di titui, anzit.

Nus da conferme **Dree Venier**, ideatôr dai fumuts dai Gnognosaurus, gjornalist e fondadôr dal prin blog dut par furlan, che al dîs: "in efietis si varès di investî di plui su chestis gnovis formis editoriâls parcè che a àn un benefici impuartant: il cost al è une vore bas rispjet ae stampe su cjarte e duncje si podarès replicâ ce



Andrea Venier

che al è sucedût cui blogs. Imprescj che a àn judade la difusion de lenghe scrite in Rêt".

Fulvio Romanin, musicist, produtôr, scritôr e espert di gnovis tecnologjiis al zonte un resonament "No ai voie di passâ pal trist de situazion, ma o buti un clap tal sfuei: la cuistion tecniche, ven a stâi il supuart che si dopre par stampâ, e je l'aspjet plui simplic di risolvi".

"Pensâ che il fat di scrivi par furlan - lenghe che la plui part

de int no sa ni lei ni scrivi al ricuarde Romanin - al sedi di par se un valôr sufficient a rindi atraent un libri al è sbaliât: la int no lei lenghis, e lei contis. Si à di lavorâ ancje su la comunicazion e sul marketing par ingolosî il public, se o volin puartâ fûr il furlan des tentazions di 'riserve indiane'. Scritôrs di nivel par furlan a 'nd è, e di sigûr no son pôcs: a van stiçats a doprâ un mieç electronic che forsit inmò a sotvalutin lis sôs potenzialitâts".